

مشتاقنامه

مطبعه و محل اداره :

جفال اوغلانده امنیت
صندوغی جوارنده
شنکول یقوشنده
۲۷ نومرو

اضطار :

مسلکمزده موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه در بحث ایراد و هفتده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندربیلیرسه سنوی

۲۰ غروش فضله آلیر

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۴ جمادی الاول پنجشنبه ۵ مایس ۳۲۷

عدد : ۱۴۱

ایله اولان محاربه زانده مزده کورلریکی اوزره بزجرو حرمزه معاونت ایچون بیله باره ویریورلر .

اعانه عمومیهده مقداره باقیلماز ؛ آنده مطلوب اولان شی کثرت اشتراکدر . آز چوق بزده خارجهدهکی احتیاجات اسلامیهیه معاونه چابالمیز . عالم اسلامدهکی موقعیزک اهمیتینی بونی اقتضایدرد . ویره بیله جکمز اعانه لرذوات معروفه دن مرکب وولی عهد مکرم دولتونجا بتلو یوسف عزالدین افندی حضر تلیزیک تحت حمایه نجیبانه لرنده رهیتیک مراقبه سی آتده اوله رق عثمانی ارسال اولانه جقدر . مصرده شیخ الوزرا ریاضی پاشا حضر تلیزیک تحت ریاستنده تشکیله موفق اولدیزمز اعانه جمعیتی ده عین وجهله حرکت ایده جکدر .

سنه دوریه خلافت

— ۲ —

صراط مستقیم ۱۳۹ عددلی نسخه سنده بالادهکی عنوان ایله یازدیغ مقاله نیک براییکی نقطه سی بعض ذواتجه صحت ملاحظه دائره سنده تلقی ابدیله مامشدر . لوای اسلامیتک شوکت عثمانیت ایله ارتقایه باشلادیغی کونک بریوم مخصوص صورتنده مسلمانلر طرفندن قبولی هیچ بر قوم مسلمک حسیاتنه مغایر کله مک اقتضایدرد . اسلامیتده جنسیت آرامق هیچ بروقتده ذهنیک قبول ایده میه جکی بر بدعتدر . عربلق ، ترکک ، مسائل اسلامیه نیک ملاحظه سنده هیچ بروجهله تلقی اولنمایدرد . عثمانیت خلافتی یدامانته آلدی ، قدرینی احیایتدی . عثمانیت ایسه یالکیز ترکک دیمک اولمادیغی معلومدر . بناء علیه هر سنه بریوم مخصوص خلافت تجیل ایلیمک امتزاج عناصر لازمه سنه قطعاً مغایر کله مز . حتی یالکیز مسلمان بر عنصر ایچون دکل غیر مسلم عناصر عثمانیه بیله خلافتی حسن تلقی ایتلیدرد ، زیرا قدرتی تزئیده وجوه غدیده ایله خادمدر .

مسلم اولسون غیر مسلم بولسون وطنی سوهن هر عثمانی ایسه دولتک قدرتنک هر نه طریقه اولورسه اولسون تزایدی آرزو ایلیمیدرد . خلافت تحکم وتغلب ایله قطعاً قابل توفیق اوله ماز . بناء علیه تزاید نفوذ خلافتک حریت موضوعیه وجهاً من الوجوه خلل کتوره بیله جکی فرضی یک چوروک بر قوه مفکرده محسولندن بشقه برشی دکلدر . خلافتده تقدیس ایدیلن شی مقام بولندیغی وشخصک تجیلی مقامک تجیلندن ایلری کلدیکی معلومدر . شخص ایسه بر شخص عادل بولمیدرکه او مقامه لایق کورلسون ، نونک عکسینی کورمکه مشروطیتی سوهن ، اسلامیتنه احترامی بولان هیچ بر عثمانی مسلمانی راضی اوله ماز .

بویوک بر مقامک ایقاظ وارشادینه خادم اولسی لازم کلن بر ذات برنجی مقاله عاجزینک حاوی اولدینی ماده مناسبتیه « بویله شیلرک صرهمی هنوز کلدی » دیمش . عجباً بو ذات خلافتدن بحث اولنه جق زمان کلدی دیمک می ایستدی ؟ اندن ممالک عثمانیه نیک خارچنده او قدر بحث اولنیورکه

بومقوله ذاتلرک خبرلری بیله یوق کبی ! بزیک برشی میدان چیقارمق ایستمدک . موجود اولان برشیته دهایی بر شکل اطراد و فعالیت ویرلمنی آرزوایتدک . بناء علیه اوراده بحث ایتدی کمز مسئله نیک نظر دقته آلمشی تقدیرنده فلان وفلان دولتلرک قوشقولانه جنی ذهانی هم باطلدر ، همده جینانه در . فلان وفلان بلاد اسلامیه دهکی افرادک مقام خلافت اسلامیه حقنده افکار احترام و آثار توجه کوسترمسی او بلاد اسلامیهیه مالک اولانلرک حاکمیتنی متأثر ایدمز . سائر افعال اسلامیه کی خلافت ماده سی دخی آچیدرد . همده اوله مقدس بر نفوذی سیاسی تشویقات ایچون — وعلی الخصوص تشویقات سیاسی مستوره ایچون — آلت اتخاذه چالیشمق شرفی و دیندار هر بر عثمانی مسلمانی نظرنده مقبوح بر حالدر . زهیچ بر طرفک راحتی صلحی بوزمق ایستیمز . بزم دور فتوحاتمز ایسه چوقدن کچدی . تزید شوکت عثمانیهیه مدار اوله جق مادی ومعنوی اسبابی ترویجندن مقصد مز ملکمز داخلنده راحت ومصونیت اوزره یاشامق وطریق تمدنده اعتلایه مقتدر بر حاله کله بیلیمکدر .

نفوذ و خلافتدن استفاده خصوص سنده « عجبا فلان وفلان دولت نه دیه بیلورکه » مثلاً مسکینه ملاحظاتی بند ، کیز ذهنندن کچورمک بیله ایستیم . انکیزجه ترکیه بومسئله حقنده نه قدر شیلر یازدم ایسه بونلرک هپسند بویکی دیبیز وسوسه لره اهمیت ویرمدیکم کوریلور . مشروطیتک اعلائی عقینده لوندرده بولنیوردم . بو صرهمده استانبولدن فلان بکک ویا فلان پاشانک ملاحظاتندن اولمق اوزره انکیز مطبوعاتنه بعض شیلر یازیلوردی . حسسزجه ، وقوفسزجه ویا برمداهنه منفعتجویانه امیدواهیسنندن بولمق اوزره اجنبی غزته لینه عکس ایتدیریلن بومقوله ملاحظاتدن جانم صیقیلدی ده تایمس غزته سنه اوبابده بر مکتوب کوندرمش ایدم . تایمسک ۶ آغستوس ۱۹۰۸ تاریخی نسخه سنده که — اعلان مشروطیتدن ایکی هفته قدر صوکره دیمکدر — نشر اولسان مکتوبک بر صورتی شو سطرلری یازارکن کوزمک اوکنده بولمقله بروجه آتی ترجمه سنی نقل ایلورم :

« خلافتک معنای سوء تفهمه اوغرایور . مسلمانلرک احترامی جالب اولان شی اساساً مقامدر . اگر ترکیه نیک الیوم میدان چیقان یک زیاده آوروپالیلاشمش بعض سیاسیونی استبدادی الفاصره سنده یاکیلوبده نفوذ خلافت طوقنمق ایستلرسه بو حالک مسلمانلردن اناموسلی ، الکحیتلی والکمتین و نافذ الکلام اولنلرندن بر چوقلرینک مشروطیتی تقویه امرنده کی غیر تلیزنی آزالده جفتدن قورقارم .

بوسوزلری سویلیدی کمندن طولانی لوندرده هیچ بر کیمسه نیک تجاوزینه شویله طورسون تخطئه سنه بیله دوچار اولدم . بز عقلی طاوورانورسه ق نفوذ خلافت انکله ره ایله تقویه حسن مناسبتمزده بر عنصر مهم بیله تشکیل ایدرد .

خلیل خالد